



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Series Actorvm Omnivm In Canonizatione Sancti Thomae
a Villanova, Cognomento Eleemosynarij**

Romae, 1658

Franciscus Maria Basilicae Sanctorum duodecim Apostolorum Cardinalis
Brancacius.

urn:nbn:de:hbz:466:1-9857

muni omnium hoste victoriam reportauit. Nudus cum nudo
luctabatur, nec vnde teneretur habebat, qui, quod solùm illi
remanferat, cubili etiam pauperi doméstico donato, in alieno
recubuit, dum Deo sanctam reddidit animam, qui coronam
iustitiae redditurus erat ei iustus Iudex. Hac redimitus regnat in
cœlis. Remanet, ut Sanctorum debita veneratione colatur in
terris. Hoc iure optimo expectatur ex Vicaria Dei potestate,
à Sanctitate Vestra promendum, ac decernendum.

Hieronymus Tituli Sanctæ Mariæ Transiberim Cardinalis Columna.

Hesperus Hesperiæ ultimæ B. Thomas de Villanova, Beatis-
sime Pater, Phosphorus tandem assurgere debuit, vt non
tantum nobis luceret per noctem, sed clara die spectandus, to-
tum terrarum Orbem fulgore suo illustraret. Hæc igitur prima
lampas ardentissimæ charitatis in specula Diuinitatis appareat,
& quæ mortales tantis beneficentiae influxibus cumulauit, ab ijs
nunc humillima venerationis officia consequatur. Ut enim de-
cernatur aliquando sanctissimo Viro titulus sanctitatis, vita
innocentia primo invitat, poenitentia opera suadent, miracu-
lorum frequentia imperat; sed prodigiosa charitas cogit.

Franciscus Maria Basilicæ Sanctorum duodecim Apostolorum Cardinalis Brancacius.

Beatut Thomas à Villanova Archiepiscopus Valentinus, vir-
tutibus licet, ac miraculis, quibus magnificatus est vehe-
menter, summopere coruscauerit, se tamen maiorem reddidit
illum, charitas erga proximum, & dilectio; Nequè enim quis
quam magis Beatus, teste Ambrosio, quam qui intelligit super
pauperis necessitatem, & infirmi, atque inopis ærumnam. Vnde
Eleemosynarij inter mortales cognomentum, & speciale inter
Cœlites præmium est, vt credimus cōsecutus. Cumque secundus
sit ager pauperum, ait Augustinus, citoque reddat donantibus
fru-

fructum ; hinc non absque Diuino consilio factum existimо, quod intra centrum annorum spatium, ex quo in Domino obdormierat, prae multis alijs antiquioribus Dei seruis, & Beati meruerit obtinere titulum, & si infallibile S.^{is} V.^e iudicium accesserit, Sancti denominatione decoretur. Quod ritè iureque fieri posse censeo, ut sic tanquam lucerna in caliginoso loco luceat omnibus, nosque initari non pigrat, quem celebrare delectat.

Videricus tituli Sancte Anastasiæ Cardinalis Carpineus.

Beatum Thomam de Villanova, qui in saeculo ab inceunte aetate, non exigua sanctimoniae luce coruscavit ; qui assumptione religiosæ vitæ instituto sub Regula Magni Patris Augustini, ita omnibus morum disciplina, & eximijs virtutibus preluminxit, ut videretur quasi ignis effulgens, & thus ardens in igne, qui in Archiepiscopali dignitate, quam inuitus accepit, quasi Sol resulfit in Templo Dei; in quem intuentes Ecclesiarum Pastores, omnesque Ecclesiastici viri heroicarum splendore virtutum obstupescunt, & inaudita charitatis ardore inflammantur; dignissimum esse, Beati simè Pater, qui Ecclesiam Catholicam, uniuersaque Mundi splendeat ē Cœlo, voce tua in numerum Sanctorum cooptatus, iudico; sciantque omnes, & credint, eum, qui, praesertim amore pauperum, nec sibi legitimum, in quo moreretur, reliquit, domum iam habere ditissimam, non manufactam, æternam in cœlis.

Marcus Antonius Tituli Sancte Mariæ de Pace Cardinalis Franciottus.

VT à Diuina in Terris Sapientia enunciatum accepimus, duo sunt, quibus Christiana perfectio præcipue nititur, atque concluditur : amor in Deum ; & in proximum quemque benevolentia. Utrumque egregie præstigit Beatus Thomas de Villanova : alterum studio precum maximo, commodorum nullo,